



Inatsisartunut ilaasortaq
Suka K. Frederiksen, Siumut

**Meeqqat atuarfiat pillugu § 37 naapertorlugu apeqquteqaammut nr. 160-imut
akissuteqaat**

07-07-2015
Suliap nr. 2015 - 2825
All. nr. 599091

Asasara Suka K. Frederiksen

Postboks 1029
3900 Nuuk
Oqarasuaat (+299) 34 50 00
Allak.: +299 32 20 73
Email: ikiln@nanoq.gl
www.nanoq.gl

Naalakkersuisut meeqqat atuarfiat pillugu apeqqutigisannut qujapput.

Apeqqut 1: *Ilinniartitaanermut, Kultureqarnermut, Iisimatusarnermut Ilageeqarnermullu
Naalakkersuisoqarfiup meeqqat atuarfiat pillugu "Nivi Olsenip suliniutissatut
siunnersuutai", saqqummiussami siunnersuutit naalakkersuisoqatigiinniit?*

Akissut: Meeqqat atuarfiannut tunngasunut immikkut suliniutinnut kiisalu
Naalakkersuisut Ilinniartitaanermut pilersaarutaannut Naalakkersuisut ataatsimoorlutik
tapersersuipput.

Apeqqut 2: *Ilinniartitsisut allaffissornikkut aqutsinikkullu ilinniagaqanngikkaluarlutik
atuarfinni aqutsisussatut toqqarneqartarnerat pillugu, allanngortinneqarnissaanut
suliniuteqarnissamik siunniussaartoqarluni qulakkeerinnittoqarniarpa?*

Akissut: Ilinniartitaanermut Aqutsisoqarfik (siusinnerusukkut Inerisaavik)
Ilinniarfissuarlu meeqqat atuarfianni ilinniartitsisunut pisortanullu pikkorissarnissamut
ilinniarnep nanginnera pikkorissarnermullu periarfissanik ingerlaavartumik
neqerooruteqartarput. Meeqqat atuarfianni sulisunik, matumani ilanngullugit pisortat
allaffissornermilu sulisunik kommunit atorfinitsitsisartuupput. Meeqqat atuarfiat pillugu
inatsit meeqqat atuarfianni sulisunik ilinniartitsisutut ilinniarsimanngitsunik
atorfinitsitsinissamut periarfissaareerpoq. Meeqqat atuarfiat pillugu inatsimmi
pisinnaasanut piumasaqaatit atuutereersut allanngortissallugit Naalakkersuisut
maannakkut pilersaaruteqanngillat.

Apeqqut 3: *Atuartitsinerup pitsaassusianik nalileeriaatsinik pilersitsinissaq pillugu
ujartuinermi, alloriaqqinnissamut Inerisaavik qanoq atornerqarnera ilanngullugu
nalilersorneqarniarpa imaluunniit allanngortinniarnearpa?*

Akissut: "Pitsaassutsimut nalileeriaatsimik pilersitsinissamik ujartuineq" qanoq isumaqartinneqarnerisq ersarluppoq. Al 2015-ip akuersissutigineranut atatillugu taamaattoq Inerisaavik Ilinniartitaanermut Naalakkersuisoqarfimmut angerlaanneqarpoq Ilinniartitaanermullu Naalakkersuisoqarfiup ataani aqutsisoqarfittut allanngortinneqarluni. Inerisaaviup angerlaanneqarneranut ilaatigut siunertarineqarpoq, meeqqat atuarfiat pillugu inatsimmik suliaqarnerup aamma meeqqat atuarfianni atuartsinerup kommuninit isumagineqarata nakkutigineqarnera nukittorsarneqarnissaat. Tassunga atatillugu meeqqat atuarfiinut assigiiaarnerusumik pitsaassutsimik nalunaarusiortarnermut sakkussanik assigiiaarnerusunik Ilinniartitaanermut Aqutsisoqarfik suliaqassasoq pilersaarutigineqarpoq, taamaalilluni nunap meeqqanut atuarfiini tamani ineriartorneq oqartussaasunit attuumassutilinnit malinnaaffigineqarsinnaaniassammat.

Apeqqu 4: *Meeqqat atuarfiit immikkuutitaarlugit qanoq angusaqartarnerisut saqqummiunneqartalernissaanik suliniuteqarnissamut Naalakkersuisoqatigiinni soqutiginnittoqarpa?*

Akissut: Meeqqat atuarfianni angusat, alloriarnerni misilitsinnerit inaarutaasumillu misilitsinnerit ukiuni arlalinni tamanit pissarsiarineqarsinnaasimapput. Takuuk <http://www.inerisaavik.gl/evalueriq/karakterdatabasen-link-til/>. Saniatigut pitsaassutsimut nalunaarusiat atuartut meeqqat atuarfianni angusaannik nalunaarusiornerit aamma imaqarnissaat aamma kommunit inatsisitigut aalajangersassavaat.

Apeqqu 5: *Suliniutini siunnersuutigineqartuni Naalakkersuisoqarfik attuumassuteqartunut qanoq ataqatigiissaarilluni suliniuteqarniarpa?*

Akissut: Takuuk apeqqu 3-mut akissut. Tamatuma saniatigut Ilinniartitaanermut Naalakkersuisoqarfiup, kommunit, IMAK Ilisimatusarfiullu akornanni ileqqusut malillugit suleqatigiiffimmik pilersitsisoqassaaq, taassuma ilaatigut suliaassarissallugit pikkorissarnernut suliniutit, kursusit, atuarfiup ineriartortinneranut suliniutit il. il. pisariaqartunik toqqaanerit ataqatigiissaarinerillu. Tamatuma saniatigut borgmesterit tamaasa attaveqarfigereerpakka aamma meeqqat atuarfiat pillugu maannakkut naalakkersuinikkut oqallinnermut ingerlasumut siunissamilu suliniutit pillugit oqallittarfimmik pilersitsisoqassasoq isumaqatigiissuteqarfigalugit. Pilersaarutaavoq, meeqqat atuarfianni pissutsit pillugit borgmesterit tamaasa minnerpaamik ukiumut ataasiarlugit ataatsimeeqatigisarnissaat, naalakkersuinikkut ataqatigiissaarisoqatigiit pioreersut ataatsimiinnerinut atatillugu ingerlanniarneqartassaaq.

Apeqquut 6: *Kommuunit ataasiakkaarlutik atuartitsineq namminneerlutik akisusaaffittut tigoreernikuuat, tamassuma allanngortinnissaa pillugu suliniuteqartoqarniarpa, assersuutigalugu qitiusumiit ataqatigiissaarisooqalersitsinikkut?*

Akissut: takukkit apeqqutinut 3-mut 5-imullu akissutit.

Apeqquut 7: *Naalackersuisup saqqummiussaani llinniartitaanermut aqutsisoqarfik pilersinneqartussatut oqaatigineqartoq annertuumik isumalluarfigineqarpoq, Naalackersuisunit siunertassaa pillugu itisilliisoqarsinnaava?*

Akissut: apeqqutinut 3-mut 5-imullu akissutit saniatigut anguniarneqarpoq, meeqqat atuarfiat pillugu inatsisip, naalackersuinikkut anguniakkat, nakkutiginninnerup aalajangersimasumillu najukkat qitiusumillu atuarfiit ineriartortinnerinut suliniutit akornanni pitsaanerusumik ataqatigiinneqalissasoq ataqatigiissaarisooqalissasorlu. Taamaalilluni llinniartitaanermut Naalackersuisoqarfik siunissami meeqqat atuarfiannut tunngasuni ilaatigut suliniutit toqqarneqarneranni toqqaannarnerusumik sunniuteqarnissamut periarfissaqalissaaq.

Apeqquut 8: *Angajoqqaat aamma atuartut suliami akuutinneqassasut oqaatigineqarpoq, qanoq tamanna ingerlanneqarniarpa/qulakkeerniarneqarpa?*

Akissut: UNICEF-ip Ilaqutariinnermullu Naalackersuisoqarfiup iluarsartuullugit pilersaarusiaanut Nakuusa – Suli anaanamik – suli ataamik – llinniartitaanermut Naalackersuisoqarfik ilannguppoq. llinniartitaanermut Naalackersuisoqarfimmi immikkut aningaasat 1,5 mio. koruunit immikkoortinneqarput, meeqqap alliarturnerani atuarneranilu angajoqqaatut inissisimanagerup aallunneqarnerunissaata sunniiniutigineqarnissaa ingerlanneqassaaq. Sunniiniarluni isumaqatissarsiorneq ukiakkut 2015-imi aallartissaaq.

Taasuma saniatigut llinniartitaanermut Aqutsisoqarfik meeqqat atuarfiannik aaqqissuusseqqinnermik suliaqarnermi angajoqqaat peqataanerata nukittorsarnissaanik suliaqarneq aallarteqqullugu Naalackersuisut peqqussavaat ilaatigut meeqqanut atuartunut angajoqqaat kattuffiinik pilersitsinermut ikiuunnikkut. Atuartunut angajoqqaat tungaannit angajoqqaat kattuffiannik taamaattumik soqutiginninneq pilersinneqarsinnaappat peqatigiiffimmut allatseqarfimmik pilersitsinissamut tapersersuineq Naalackersuisut sulissutiginiarpaat.

Apeqquut 9: *Meeqqat atuarfianni atuartussaaitaanerup malitsinneqarnera qulakkeerneqartarpa/takussutissaqarpa, qanoq amerlatigisut meeqqat atuarfinanniit naammassinatikaniinnartartut?*

Akissut: Kommunimi atuartut tamarmik atuartussaataasutut ukiulinnit atuartussaataitanerup eqquutsinneqarnera nakkutigissallugu kommunalbestyrelsip suliassaraa. Atuartussaataitanerup atuutsinniarnernik kommunit ajornartorsiuteqarnerat pillugu saaffiginnissutinik ilaanneeriarluni llinniartitaanermut Naalakkersuisoqarfik tigusaqartarpoq. Saaffiginnissutsini taamaattuni soorlu pineqarsinnaapput atuartut atuartussaataasutut ukiullit skolehjemmimit peersinneqarsimasut, atuartumut atuartitsinissamik naleqquttumik kommune neqerooruteqanngitsoorsimalluni, tamatumalu kingorna nunaqarfimminnut angerlartinneqarlutik. llinniartitaanermut Naalakkersuisoqarfiup saaffiginnissutit taamaattut tamatigit malitseqartittarpei kommuninullu peqqusisarluni pineqartumi inatsisit maleqqullugit.

Atuartussaataitanerup taamaatinnessaa sioqqullugu meeqqat atuarfiat atuartut qassit qimattarneraat llinniartitaanermut Naalakkersuisoqarfik maannakkut nalunaarsukkanik peqanngilaq. llinniartitaanermut Aqutsisoqarfiup pilersinneratigit meeqqat atuarfiat pillugu inatsimmik, matumani ilanngullugit meeqqat inuusuttullu atuartussaataitanerannik, kommuninit malinninnerannik nakkutiginninnerup nukittorsarneqarnissaa oqaatigineqartutut siunertaavoq.

Inussiarnersumik inuulluaqqusilluta



Nivi Olsen